

ხელშეკრულება სახელმწიფო შესყიდვის შესახებ #46

(CPV კოდი 18530000-საჩუქრები და ჯილდოები)

ქ. თბილისი

ივლისი 2022 წელი

ერთი მხრივ, სსიპ საქართველოს მეცნიერებათა ეროვნული აკადემია (შემდგომში-შემსყიდველი) წარმოდგენილი აკადემიის პრეზიდენტის **გიორგი კვესიტაძის** სახით და მეორე მხრივ, შპს „შპს „ზარაფხანა““ (შემდგომში-მიმწოდებელი) წარმოდგენილი კორპორაციული გაყიდვების მენეჯერის **მარიამ კველიას** სახით, ორივე ერთად წოდებული როგორც „მხარეები“, ვმოქმედებთ, რა საქართველოს კანონმდებლობის შესაბამისად „სახელმწიფო შესყიდვების შესახებ“ საქართველოს კანონის 10¹ მუხლის მე-3 პუნქტის „ვ“ ქვეპუნქტის და „გამარტივებული შესყიდვის კრიტერიუმების განსაზღვრისა და გამარტივებული შესყიდვის ჩატარების წესის დამტკიცების თაობაზე“ სახელმწიფო შესყიდვების სააგენტოს თავმჯდომარის 2015 წლის 17 აგვისტოს #13 ბრძანების მე-3 მუხლის „1“ პუნქტის „ვ“ ქვეპუნქტის საფუძველზე, ვდებთ წინამდებარე ხელშეკრულებას გამარტივებული შესყიდვის საშუალებით შემდეგზე:

1. ტერმინთა განმარტებები

- 1.1. „ხელშეკრულება სახელმწიფო შესყიდვის შესახებ“ (შემდგომში – „ხელშეკრულება“) – შემსყიდველსა და მიმწოდებელს შორის დადებული წინამდებარე ხელშეკრულება, რომელიც ხელმოწერილია მხარეთა მიერ, მასზე თანდართული ყველა დოკუმენტით.
- 1.2. „ხელშეკრულების ღირებულება“ – ნიშნავს საერთო თანხას, რომელიც უნდა გადაიხადოს შემსყიდველმა ორგანიზაციამ მიმწოდებლის მიერ ხელშეკრულებით ნაკისრი ვალდებულებების სრული და ზედმიწევნით შესრულებისათვის.
- 1.3. „შემსყიდველი“ (შემდგომ შემსყიდველი) – ნიშნავს ორგანიზაციას (დაწესებულებას), რომელიც ახორციელებს შესყიდვას.
- 1.4. „მიმწოდებელი“ – ნიშნავს იურიდიულ ან ფიზიკურ პირს, რომელმაც შემსყიდველთან გააფორმა ხელშეკრულება სახელმწიფო შესყიდვის შესახებ.
- 1.5. „დღე“, „კვირა“, „თვე“ ნიშნავს კალენდარულ დღეს, კვირას, თვეს.

2. ხელშეკრულების საგანი

- 2.1. წინამდებარე ხელშეკრულების პირობების გათვალისწინებით, მიმწოდებელი მიაწვდის შემსყიდველს ერთ ცალ სუვენირს „წნორის ლომი“.
- 2.2. შესყიდვის ობიექტის სრული დასახელება, რაოდენობა, ფასი და საერთო ღირებულება მითითებულია მიმწოდებლის 12/07/2022 #12/07 ინვოისში (დანართი 1), რომელიც წარმოადგენს წინამდებარე ხელშეკრულების განუყოფელ ნაწილს.

3. შესყიდვის ობიექტი

- 3.3. შესყიდვის ობიექტი: -საჩუქრები და ჯილდოები

4. შესყიდვის ობიექტის მიწოდების ვადები და ადგილი

- 4.1. შესყიდვის ობიექტის მიწოდების ვადა: ხელშეკრულების დადებიდან 3 სამუშაო დღე.
- 4.2. შესყიდვის ობიექტის მიწოდების ადგილი: ქ.თბილისი, ლუბლიანას 15

5. ხელშეკრულების ღირებულება

- 5.1. ხელშეკრულების საერთო ღირებულება შეადგენს 950 (ცხრაასორმოცდაათი) ლარს.
- 5.2. წინამდებარე ხელშეკრულების საერთო ღირებულება მოიცავს ხელშეკრულებით გათვალისწინებული შესყიდვის ობიექტის მიწოდებასთან დაკავშირებულ მიმწოდებლის ყველა ხარჯს და საქართველოს კანონმდებლობით გათვალისწინებულ გადასახადებს.

6. მიღება-ჩაბარების წესი

6.1. შესყიდვის ობიექტის მიღება-ჩაბარება განხორციელდება შემსყიდველისა და მიმწოდებლის უფლებამოსილი წარმომადგენლების მიერ მიღება-ჩაბარების აქტის გაფორმებით.

6.2. შესყიდვის ობიექტი მიწოდებულად ჩაითვლება მხოლოდ მიღება-ჩაბარების აქტის გაფორმების შემდეგ.

7. ანგარიშსწორების ფორმა, გრაფიკი და ვადები

7.1. ანაზღაურება მიმწოდებელთან იწარმოებს უნაღდო ანგარიშსწორებით, ლარებში, ამ ხელშეკრულებით გათვალისწინებული მიმწოდებლის საბანკო ანგარიშზე, მხარეთა შორის მიღება-ჩაბარების აქტის გაფორმებიდან არა უგვიანეს 10 (ათი) სამუშაო დღის განმავლობაში.

7.2. დაფინანსების წყარო: საქართველოს მეცნიერებათა ეროვნული აკადემიის 2022 წლის სახელმწიფო ბიუჯეტი.

8. შესყიდვის ობიექტის ხარისხი

8.1. მიმწოდებელი იღებს ვალდებულებას, რომ მიწოდებული შესყიდვის ობიექტის ხარისხი დააკმაყოფილებს შემსყიდველის მოთხოვნებს და არსებულ ტექნიკურ ნორმებს.

9. მხარეთა უფლება-მოვალეობანი

9.1. შემსყიდველი და მიმწოდებელი მოქმედებენ საქართველოს კანონმდებლობის სრული დაცვით.

9.2. შემსყიდველი ვალდებულია:

9.2.1. დროულად და კეთილსინდისიერად შეასრულოს ხელშეკრულებით ნაკისრი ვალდებულებები;

9.2.2. ხელშეკრულებით გათვალისწინებული პირობების შესაბამისად, აუნაზღაუროს მიმწოდებელს მიწოდებული შესყიდვის ობიექტის ღირებულება;

9.2.4. წერილობითი ფორმით დაუყონებლივ აცნობოს მიმწოდებელს მიწოდებულ შესყიდვის ობიექტზე აღმოჩენილი წუნის ან დეფექტის შესახებ.

9.3. შემსყიდველს უფლება აქვს:

9.3.1. ნებისმიერ დროს მოითხოვოს და გაეცნოს მიმწოდებლის მიერ იმ ეტაპისთვის მისაწოდებელ შესყიდვის ობიექტს;

9.3.2. განახორციელოს კონტროლი და ზედამხედველობა მიმწოდებლის მიერ ხელშეკრულების პირობების დაცვაზე;

9.3.3. შეამოწმოს შესყიდვის ობიექტის ხარისხის შესაბამისობა ხელშეკრულებით გათვალისწინებულ პირობებთან.

9.4. მიმწოდებელი ვალდებულია:

9.4.1. დროულად და კეთილსინდისიერად შეასრულოს ხელშეკრულებით ნაკისრი ვალდებულებები;

9.4.2. დაიცვას ხელშეკრულებით გათვალისწინებული ყველა პირობა;

9.4.3. დააკმაყოფილოს შემსყიდველის მოთხოვნა დამატებითი მონაცემების წარმოდგენის შესახებ კანონმდებლობით დადგენილი წესით;

9.4.4. შემსყიდველის მოთხოვნის შესაბამისად დაუბეჭდოს და მიაწოდოს 4.1. პუნქტით გათვალისწინებულ ვადაში შესყიდვის ობიექტი.

9.5. მიმწოდებელს უფლება აქვს:

9.5.1. მოსთხოვოს შემსყიდველს ამ ხელშეკრულებით ნაკისრი ვალდებულების შესრულებისათვის ანაზღაურება ხელშეკრულებით გათვალისწინებული პირობებით.

10. ხელშეკრულების შესრულების კონტროლი

10.1. შემსყიდველის მიერ ხელშეკრულების შესრულების კონტროლი განხორციელდება პერიოდულად როგორც შესყიდვის ობიექტის მოწოდების დროს, ისე ამ ხელშეკრულების მოქმედების პერიოდში შემსყიდველის მოთხოვნის შესაბამისად.

10.2. შემოწმების შედეგად გამოვლენილი ნებისმიერი ნაკლის ან დეფექტის შესახებ შემსყიდველი დაუყოვნებლივ წერილობით აცნობებს მიმწოდებელს დაწუნებული შესყიდვის ობიექტის შესახებ.

10.3. გამოვლენილი დეფექტის ან ნაკლის აღმოფხვრასთან და ხელახალ ინსპექტირებასთან დაკავშირებული ხარჯების ანაზღაურება ეკისრება მიმწოდებელს, საქართველოს კანონმდებლობით დადგენილი წესით.

11. გარანტია

11.1. მიმწოდებელი იძლევა გარანტიას, რომ მის მიერ მიწოდებულ შესყიდვის ობიექტზე აღმოჩენილი ნაკლის ან დეფექტის შემთხვევაში, იგი საკუთარი სახსრებით თავად უზრუნველყოფს გამოვლენილი ყველა დეფექტის და ნაკლის გამოსწორებას, ან ახლით შეცვლას შემსყიდველის მხრიდან რაიმე ხარჯების გაწევის გარეშე.

12. ხელშეკრულებაში ცვლილებების შეტანა და ხელშეკრულების შეწყვეტა

12.1. წინამდებარე ხელშეკრულების პირობების, მათ შორის, ფასის შეცვლა დაუშვებელია, თუ ამ ცვლილებების შედეგად იზრდება წინამდებარე ხელშეკრულების ჯამური ღირებულება ან უარესდება წინამდებარე ხელშეკრულების პირობები შემსყიდველისთვის, გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა. ხელშეკრულების პირობების გადასინჯვა ხდება საქართველოს კანონმდებლობით დადგენილი წესით.

12.2. წინამდებარე ხელშეკრულებაში ნებისმიერი ცვლილების და/ან დამატების შეტანა შესაძლებელია მხოლოდ წერილობითი ფორმით, მხარეთა შეთანხმების საფუძველზე, ხელშეკრულების დამატებითი შეთანხმების სახით, რომელსაც ექნება იგივე იურიდიული ძალა რაც წინამდებარე ხელშეკრულებას.

12.3. ხელშეკრულების ერთ-ერთი მხარის მიერ ხელშეკრულების პირობების შეუსრულებლობის შემთხვევაში, მეორე მხარე უფლებამოსილია ცალმხრივად მიიღოს გადაწყვეტილება ხელშეკრულების შეწყვეტის შესახებ, რაც უნდა აცნობოს მეორე მხარეს არანაკლებ 5 (ხუთი) კალენდარული დღით ადრე წერილობით.

12.4. წინამდებარე ხელშეკრულების შეწყვეტა პირობების დარღვევის გამო არ ათავისუფლებს მიმწოდებელს ხელშეკრულების შეუსრულებლობისათვის გათვალისწინებული პასუხისმგებლობისაგან.

12.5. წინამდებარე ხელშეკრულების ცალკეული პირობების მოქმედების შეწყვეტა არ ათავისუფლებს მხარეებს დანარჩენი ვალდებულებების შესრულებისაგან.

12.6. შემსყიდველს შეუძლია მიიღოს გადაწყვეტილება წინამდებარე ხელშეკრულების შეწყვეტის შესახებ აგრეთვე:

ა) თუ შემსყიდველისათვის ცნობილი გახდა, რომ მისგან დამოუკიდებელი მიზეზების გამო იგი ვერ უზრუნველყოფს წინამდებარე ხელშეკრულებით ნაკისრი ვალდებულებების შესრულებას;

ბ) საქართველოს კანონმდებლობებით გათვალისწინებულ სხვა შემთხვევებში.

12.7. წინამდებარე ხელშეკრულების შეწყვეტა შესაძლებელია მხარეთა შეთანხმებით ნებისმიერ დროს მისი მოქმედების განმავლობაში, ასევე ავტომატურად წყდება ხელშეკრულება მოქმედების ვადის გასვლამდე მხარეთა მიერ წინამდებარე ხელშეკრულებით ნაკისრი ვალდებულებების სრულად და ჯეროვნად შესრულებისას.

13. ფორს-მაჟორი

13.1. ფორს-მაჟორი ნიშნავს მხარეებისთვის გადაულახავ, მათი კონტროლისაგან დამოუკიდებელ გარემოებებს, რომელიც არ არის დაკავშირებული შემსყიდველის, ან/და მიმწოდებლის შეცდომებთან და დაუდევრობასთან, რომელსაც გააჩნია წინასწარ გაუთვალისწინებელი ხასიათი;

13.2. ფორს-მაჟორული გარემოებების დადგომის შემთხვევაში ხელშეკრულების დამდებმა მხარემ, რომელისთვისაც შეუძლებელი ხდება ნაკისრი ვალდებულებების შესრულება, დაუყოვნებლივ უნდა გაუგზავნოს მეორე მხარეს წერილობითი შეტყობინება ასეთი გარემოებების და მათი გამომწვევი მიზეზების შესახებ.

14. მხარეთა პასუხისმგებლობა

14.1. მხარეების მიერ ხელშეკრულებით განსაზღვრული პირობების და ვალდებულებების შეუსრულებლობა გამოიწვევს პასუხისმგებლობას მოქმედი კანონმდებლობის შესაბამისად.

14.2 ხელშეკრულებით განსაზღვრული პირობების და ვალდებულებების შეუსრულებლობის შემთხვევაში, დამრღვევ მხარეს ეკისრება პირგასამტეხლოს გადახდა, სახელშეკრულებო ღირებულების არაუმეტეს 20%-ის ოდენობით.

14.3. ხელშეკრულებით განსაზღვრული პირობების და ვალდებულებების ნაწილობრივ შესრულების შემთხვევაში, დამრღვევ მხარეს ეკისრება პირგასამტეხლოს გადახდა, შეუსრულებელი (დარჩენილი) ვალდებულების შესაბამისი ღირებულების არაუმეტეს 10%-ის ოდენობით.

14.4. ხელშეკრულებით განსაზღვრული პირობების და ვალდებულებების არაჯეროვანი შესრულების (მათ შორის, ვალდებულების შესრულების ვადაგადაცილების დროს) შემთხვევაში, დამრღვევ მხარეს ეკისრება პირგასამტეხლოს გადახდა, ყოველ ვადაგადაცილებულ დღეზე შესასრულებელი ვალდებულების შესაბამისი ღირებულების 0,02 % ოდენობით.

15. დავები და მათი გადაწყვეტის წესი

15.1. ხელშეკრულების მოქმედების პერიოდში წამოჭრილი ყველა დავა გადაიჭრება ურთიერთშეთანხმების გზით. შეთანხმების მიუღწევლობის შემთხვევაში, დავის გადასაწყვეტად მხარეები უფლებამოსილნი არიან მიმართონ სასამართლოს საქართველოს მოქმედი კანონმდებლობის შესაბამისად.

16. ხელშეკრულების შესრულების შეფერხება

16.1 თუ ხელშეკრულების შესრულების პროცესში მხარეები წააწყდებიან რაიმე ხელშემშლელ გარემოებებს, რომელთა გამო ფერხდება ხელშეკრულების პირობების შესრულება, ამ მხარემ დაუყოვნებლივ უნდა გაუგზავნოს მეორე მხარეს წერილობითი შეტყობინება შეფერხების ფაქტის, მისი შესაძლო ხანგრძლივობის და გამომწვევი მიზეზების შესახებ. შეტყობინების მიმღებმა მხარემ რაც შეიძლება მოკლე დროში უნდა აცნობოს მეორე მხარეს თავისი გადაწყვეტილება, მიღებული აღნიშნულ გარემოებებთან დაკავშირებით;

16.2. თუ ხელშეკრულების პირობების შესრულების შეფერხების გამო მხარეები შეთანხმდებიან ხელშეკრულების პირობების შესრულების ვადის გაგრძელების თაობაზე, ეს გადაწყვეტილება უნდა გაფორმდეს ხელშეკრულებაში ცვლილების შეტანის გზით, ხელშეკრულების 12.2. პუნქტის შესაბამისად.

17. ხელშეკრულების მოქმედების ვადა

17.1. ხელშეკრულება ძალაში შედის ორმხრივი ელექტრონული ხელის მოწერიდან და მოქმედებს 2022 წლის 31 აგვისტოს ჩათვლით.

18. გამოყენებული სამართალი

18.1. ხელშეკრულება დადებულია საქართველოს კანონმდებლობის შესაბამისად და იქნება ინტერპრეტირებული საქართველოს კანონმდებლობის მიხედვით.

19. სხვა პირობები

19.1. არც ერთ მხარეს არა აქვს უფლება გადასცეს მესამე პირს თავისი უფლებები და მოვალეობები, მეორე მხარის წერილობითი თანხმობის გარეშე.

19.2. მესამე პირთან ურთიერთობაში მხარეები მოქმედებენ თავიანთი სახელით, ხარჯებითა და რისკით.

19.3. ხელშეკრულებასთან დაკავშირებული მთელი წერილობითი მოლაპარაკებები და სხვა დოკუმენტაცია, რომელიც გაიცვლება მხარეთა შორის, უნდა შეესაბამებოდეს აღნიშნულ პირობებს.

19.4. ხელშეკრულება შედგენილია ქართულ ენაზე, ერთ ეგზემპლარად და ხელმოწერილი იქნება მხარეთა უფლებამოსილი პირების მიერ, „ელექტრონული დოკუმენტისა და ელექტრონული სანდო

მომსახურების შესახებ“ საქართველოს კანონის მე-4 პუნქტის შესაბამისად, კვალიფიციური ელექტრონული ხელმოწერით, რომელთაგან თითოეული მხარის ელექტრონულ ვერსიას აქვს თანაბარი იურიდიული ძალა და ინახება ხელმოწერ მხარეებთან.

20. მხარეთა რეკვიზიტები და ხელმოწერები

„შემსყიდველი“

სსიპ „საქართველოს მეცნიერებათა
ეროვნული აკადემია“

მისამართი: ქ. თბილისი,
რუსთაველის გამზირი #52
ტელ/ფაქსი: 2997372; 2990052
ს/კ #203851536
სახელმწიფო ხაზინა
სახაზინო კოდი TRESGE22
ანგარიშის #200122900


/გიორგი კუცია/

„მიმწოდებელი“

შპს „ზარაფხანა“

მისამართი: ქ. თბილისი,
ლუბლიანას ქ.#15
ტელ.: 571311031
ს/კ 202445540
სს „საქართველოს ბანკი“
ბანკის კოდი BAGAGE22
ანგარიში: GE71BG00000000193654600

/მარიამ კეკელია/

თარიღი: 12.07.2022

ინვოისი N 12/07

N	დასახელება	რაოდენობა	ერთეულის ფასი (ლარი)	თანხა დღგ-ს ჩათვლით
1	33657 სუვენირი -წნორის ლომი	1	950	950
			ჯამი	950

მყიდველი: საქართველოს მეცნიერებათა ეროვნული აკადემია
 ს/კ 203851536
 მისამართი: შოთა რუსთაველის #52

მიმწოდებელი: შპს ზარაფხანა
 ს/კ 202445540
 მისამართი თბილისი, ლუბლიანას ქ. 15
 მომსახურე ბანკი: სს საქართველოს ბანკი
 ბანკის კოდი: BAGAGE22
 ა/ა: GE71BG000000193654600
 დირექტორი : თორნიკე სამხარაძე

კორპორატიული გაყიდვების მენეჯერი
 მარიამ კეკელია

